



Fernand ETGEN  
President vun der  
Deputéiertechamber  
19, um Krautmaart  
L-1728 Lëtzebuerg

Lëtzebuerg, , den 25/08/2020

**Här President,**

**Sou wéi den Artikel 83 vun eisem Chambersreglement et virgesäit, bieden ech lech, dës parlamentaresch Fro un d'Ministesches fir Interieur weiderzeleeden.**

A menge parlamentaresche Froen n°429, 971, 1859 hat ech mech, op Basis vun Informatiounen, déi vu Fräiwëllege beim CGDIS u mech erugedroe goufen, iwwert feelend Ausbezuelung vum den Indemnitéite bei der Ministesches informéiert.

Op d'Fro n°971 hat d'Ministesches geäntwert, dass ee groussen Deel vum den Indemnitéite fir d'Permanenzen an d'Gardë vum zweete Semester 2018 tëschent de Méint Februar an Abrëll um Kont vum de Pompjeeë gelant waren. D'Iwwerweisung waren tëschent dem 26te Februar an dem 13te Mee 2019 gebucht ginn. D'Ministesches hat an der leschter Äntwert geschriwwen, dass op den 31te Mäerz 2020 sämtlech Indemnisationen fir d'Joer 2019 ausbezult goufen.

Mir gouf awer elo erëm zougedroen, dass d'Indemnitéite fir d'Asätz aus der Period vum 1/7/2018 bis den 31/12/2019 nach ëmmer net ausbezult goufen an dat fir d'Fräiwëlleger a mindestens engem Zentrum hei am Land.

Fir dee nämmleschten Zenter goufen och d'Indemnitéiten fir d'Permanenzen (Status 2) fir d'Period vum 1/1/2020 bis den 30/6/2020 nach net ausbezult.

D'Ministesches hat op meng Fro n°971 geäntwert, dass et net ausgeschloss wär, dass verschidden Indemnitéite bei enger klenger Unzuel vum Zentren eréischt méi spéit um Konto waren, doduerch, dass et um Niveau vum den Tableauen, déi hu missten ausgefëllt ginn, zu Retarde koom oder, well Fräiwëlleger falsch Kontosnummern ugin haten. An dësem Fall gouf eis awer confirméiert, dass d'Kontosnummern a besotem Zenter all richteg ugi gi wäeren.

An deem Zesammenhang wéilt ech der Ministesches dës Fro stellen:

1. Ass et méiglech, dass d'Indemnitéit fir d'Asätz fir d'Period vum 1/7/2018 - 31/12/2019 a verschiddenen Zentren nach net bezult gouf? Wat kéinten d'Grënn dofir sinn?



2. Ass et méiglech, datt d'Indemnitéit fir d'Permancen (Status 2) fir d'Period vum 1/1/2020 - 30/6/2020 a verschiddenen Zenteren nach net bezuelt gouf? Wat kéinten d'Grënn dofir sinn?
3. Kann d'Ministesch wann ech gelift déi nämmelecht Oplëschtung aus der Äntwert op d'Fro n°1859 (Fro 1) fir d'Joren 2018 an 2019 reproduzéieren?
4. D'Fräiwëlleger a besotenem Zenter bekloen sech allgemeng, nieft verspéideten Ausbezuelungen, iwwert d'Ëmsetzung vun der Reform vum CGDIS, bei där si sech ausgestouss fillen. Sinn d'Responsabel vum CGDIS sech der Gefillslag vun de Fräiwëllege bewusst?
5. Wéi evaluéiert d'Ministesch d'vertikal Kommunikatioun an der Hierarchie vum CGDIS?
6. Existéiert een anonymme Feedbacksystem am CGDIS, wou Membere Kriticken oppen an éierlech un d'Direktioun kënne weiderginn an op déi d'Direktioun öffentlech Stellung bezéihe kann? Falls nee, wär et net un der Zäit, esou ee System opzestellen?
7. An der Äntwert op d'Fro Nummer 429 hat d'Ministesch ënnerstrach, datt de Rettungsdéngscht ouni di vill Fräiwëlleger net kéint funktionéieren. D'Ministesch hat an der Äntwert och geschriwwen, datt et fir d'Regierung évident ass, déi geleschten Aarbecht och an Zukunft beschtméiglechst ze promovéieren an ze honoréieren. Et sollt een och net vergiessen, dass grad elo während der Coronapandemie vill Fräiwëlleger weiderhin am Asaz fir eis Biergerinnen a Bierger waren. Wär et an dëser Legislaturperiod net un der Zäit, de Benevolat, virun allem bei de Rettungsdéngschter, besser ze honoréieren, andeems d'Primm fir d'Permanencë vun 1€/Stonn erhéicht géife ginn?

Mat déiwem Respekt,



GOERGEN Marc  
Député

